

NO. SOALAN: 48

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

DARIPADA : DR. LEE BOON CHYE [GOPENG]

TARIKH : 27 MEI 2015

RUJUKAN : 7902

SOALAN:

Dr. Lee Boon Chye [Gopeng] minta **MENTERI DALAM NEGERI** menyatakan bilangan cyber cafe yang diambil tindakan kerana judi setiap tahun sejak tahun 2010.

JAWAPAN:

Tuan Yang di-Pertua,

Polis DiRaja Malaysia (PDRM) memandangi serius aktiviti perjudian haram terutama yang melibatkan penggunaan internet di cybercafe di seluruh negara. Pihak PDRM sentiasa memantau dan menjalankan operasi secara terancang dan berterusan dalam menangani masalah perjudian ini yang banyak menimbulkan masalah sosial dan menghindari amalan negatif terutama di kalangan golongan remaja.

Pihak polis telah melancarkan operasi khas pada 26 Oktober 2014 di seluruh negara bagi membanteras kegiatan perjudian yang dijalankan oleh orang-orang perseorangan dan juga sindiket-sindiket perjudian. Tindakan terhadap premis-premis perjudian dan sindiket adalah berlandaskan undang-undang sedia ada termasuklah:-

- a) Mengambil tindakan ke atas pemain, penjaga premis dan penganjur kegiatan perjudian haram di bawah Akta Rumah Judi Terbuka 1957 dan Akta Pertaruhan 1953.**
- b) Mengenalpasti individu dan sindiket-sindiket yang terlibat dalam kegiatan perjudian berinternet dan mendakwa mereka di bawah undang-undang yang berkaitan serta mengkaji kemungkinan mengambil tindakan alternatif di bawah Rang Undang-Undang Pencegahan Jenayah (POCA) jika tiada keterangan kukuh untuk dituduh di Mahkamah.**

- c) Meningkatkan serbuan secara berterusan serta bekerjasama dengan lain-lain agensi Kerajaan termasuk Suruhanjaya Pencegahan Rasuah Malaysia (SPRM) serta pihak Kerajaan Tempatan dalam usaha bersungguh-sungguh membanteras kegiatan haram ini.**

- d) Membuat permohonan kepada pihak TNB dan SYABAS untuk tindakan permotongan bekalan elektrik dan bekalan air terhadap premis yang degil dan masih mengulangi kesalahan yang sama.**

Statistik serbuan premis cybercafe yang menjalankan kegiatan perjudian dan jumlah tangkapan dan rampasan bagi tahun 2010, 2011, 2012, 2013 dan Januari - Mac 2015 adalah seperti berikut:

KONTINJEN	SERBUAN						TANGKAPAN						RAMPASAN MESIN					
	2010	2011	2012	2013	2014	JAN- MAC 2015	2010	2011	2012	2013	2014	JAN- MAC 2015	2010	2011	2012	2013	2014	JAN- MAC 2015
K. LUMPUR	1828	1867	1602	671	1161	93	3393	4278	3066	1591	2334	331	14411	15048	12293	9017	21447	822
SELANGOR	1880	1496	1829	1761	3812	200	2039	2317	2320	2179	4181	687	28823	20565	29924	28788	60980	1646
JOHOR	868	1704	1978	451	394	74	683	3176	5007	1405	2775	296	7203	25487	37488	9081	5711	1270
P.PINANG	290	813	685	424	442	27	440	990	796	680	610	243	3410	9496	7997	5940	6828	560
SABAH	132	128	252	239	326	14	398	281	527	623	659	107	1393	2145	3171	4344	5077	155
PERAK	410	592	252	417	452	15	416	658	947	464	841	129	4871	11900	9200	5587	7423	211
SARAWAK	7	18	256	316	936	136	41	61	674	1077	2555	619	41	273	2435	3647	11683	2011
PAHANG	146	223	690	695	622	10	517	1062	4156	3551	3575	50	804	2620	10639	8838	14135	45
KEDAH	313	577	683	747	465	32	568	1026	1684	2133	1457	152	2088	5281	8753	10637	6137	228
N/SEMBILAN	231	528	497	212	244	11	280	536	501	236	328	14	2088	5955	7871	3468	4175	63
MELAKA	4	95	248	157	289	18	19	209	543	211	430	62	32	487	2592	1466	5141	153
PERLIS	0	0	0	1	0	0	0	0	0	7	0	0	0	0	0	6	0	0
T/GANU	0	0	0	0	6	2	0	0	0	0	6	7	0	0	0	0	2	5
KELANTAN	0	0	2	0	3	0	0	0	3	0	7	0	0	0	89	0	30	0
JUMLAH	6109	8041	8974	6091	9152	632	8794	14594	20224	14157	19758	2697	65164	99257	132452	90819	148769	7169

Bagi menentukan aktiviti perjudian ini dapat ditangani sepenuhnya daripada berulang kembali, PDRM telah menubuhkan unit pemantau yang diletakkan di bawah Jabatan Integriti dan Pematuhan Standard (JIPS) untuk memastikan gejala judi haram diperangi sehingga ke akar umbi. Pasukan ini akan memantau semula premis-premis yang pernah diserbu bagi memastikan bahawa premis tidak kembali menjalankan semula aktiviti mesin perjudian haram. Pihak JIPS telah

membuat pemantauan di seluruh negara mulai bulan November 2014 sehingga kini. Statistik pemantauan yang dijalankan oleh pihak JIPS bermula November 2014 sehingga 3 Mac 2015 adalah seperti berikut:-

JUMLAH PEMANTAUAN	35,832
PREMIS TUTUP	35,058
PREMIS BUKA	808
SERBUAN	161
TANGKAPAN	620 ORANG
RAMPASAN BARANG	1,105
RAMPASAN WANG	RM 26,939

Usaha dan tindakan yang diambil oleh polis melalui operasi “Op Dadu” yang dilakukan secara agresif dan berterusan dilihat dapat mengekang gejala ini dari terus berlaku. Namun demikian, usaha ini tidak akan berjaya sepenuhnya tanpa ada penglibatan daripada orang ramai dalam menyalurkan maklumat kepada pihak polis di samping orang ramai perlu menghindari aktiviti yang tidak sihat ini. Aktiviti perjudian akan terus wujud jika ada permintaan daripada pemain.